



REPUBLIKA E KOSOVËS/REPUBLIKA KOSOVA

GJYKATA THEMELORE GJAKOVË - DEGA E GJYKATËS RAHOVEC

Numri i lëndës: 2024:022677

Datë: 21.06.2024

Numri i dokumentit: 05844997

C.nr. 77/2024

GJYKATA THEMELORE GJAKOVË – DEGA NË RAHOVEC, Departamenti i Përgjithshëm, Divizioni Civil, gjyqtari Avni Berisha, me bashkëpunëtoren profesionale Shpresa Haxhijaha Rahmani, duke vendosur në çështjen juridike kontestimore të paditësve, B.D, S.D dhe Sh.M, që të tre nga fshati Polluzhë, Komuna e Rahovecit, si dhe paditësit R.Th nga fshati Xërxë, Komuna e Rahovecit, të cilët sipas autorizimit i përfaqëson avokati S.M nga Prizreni kundër të paditurës Komuna e Rahovecit – Drejtoria Komunale e Arsimit, të cilën sipas autorizimit e përfaqëson avokati B.O nga Rahoveci, me bazë juridike për kompensim të shpenzimeve të udhëtimit, vlera e objektit të kontestit 2.306.80 euro, jashtë seancës, më datën 21.06.2024, mori këtë:

A K T G J Y K I M

- I. APROVOHET NË TËRSI SI E BAZUAR kërkesëpadia e paditësve B.D, S.D dhe R.Th.
- II. DETYROHET e paditura Komuna e Rahovecit - Drejtoria Komunale e Arsimit, që paditësit B.D, në emër të kompensimit për shpenzimet e udhëtimit për periudhën kohore prej datës 22.01.2021 e deri më datën 21.11.2022 për 331 ditë pune për vajtje dhe ardhje nga shtëpia në punë dhe anasjelltas sipas çmimit të biletës për dy relacionet në shumën prej 2.00 euro dhe atë për 70% të këtij çmimi të ja paguajë shumën prej 1.40, apo shumën e përgjithshme prej 463.4 euro, me kamatë ligjore 8% nga data 22.01.2024 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarrimit të detyrueshëm”.
- III. DETYROHET e paditura Komuna e Rahovecit - Drejtoria Komunale e Arsimit, që paditësit S.D, në emër të kompensimit për shpenzimet e udhëtimit për periudhën kohore prej datës 22.01.2021 e deri më datën 21.11.2022 për 326 ditë pune për vajtje dhe ardhje nga shtëpia në punë dhe anasjelltas sipas çmimit të biletës për dy relacionet në shumën prej 2.00 euro dhe atë për 70% të këtij çmimi të ja paguajë shumën prej 1.40, apo shumën e përgjithshme prej 456.40 euro, me kamatë ligjore 8% nga data 22.01.2024 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarrimit të detyrueshëm”.

- IV. DETYROHET e paditura Komuna e Rahovecit - Drejtoria Komunale e Arsimit, që paditësit R.Th, në emër të kompensimit për shpenzimet e udhëtimit për periudhën kohore prej datës 22.01.2021 e deri më datën 21.11.2022 për 331 ditë pune për vajtje dhe ardhje nga shtëpia në punë dhe anasjelltas sipas çmimit të biletës për dy relacionet në shumën prej 4.00 euro dhe atë për 70% të këtij çmimi të ja paguajë shumën prej 2.80, apo shumën e përgjithshme prej 924.00 euro, me kamatë ligjore 8% nga data 22.01.2024 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarimit të detyrueshëm”.
- V. APROVOHET PJESËRISHT SI E BAZUAR kërkesëpadia e paditësit Sh.M.
- VI. DETYROHET e paditura Komuna e Rahovecit - Drejtoria Komunale e Arsimit, që paditësit Sh.M, në emër të kompensimit për shpenzimet e udhëtimit për periudhën kohore prej datës 18.04.2021 e deri më datën 21.11.2022 për 271 ditë pune për vajtje dhe ardhje nga shtëpia në punë dhe anasjelltas sipas çmimit të biletës për dy relacionet në shumën prej 2.00 euro dhe atë për 70% të këtij çmimi të ja paguajë shumën prej 1.40, apo shumën e përgjithshme prej 379.4 euro, me kamatë ligjore 8% nga data 22.01.2024 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarimit të detyrueshëm”.
- VII. REFUZOHET SI E PABAZUAR pjesa tjetër e kërkesëpadisë e paditësit Sh.M për pjesën tjetër të padisë lidhur me kompensimin e udhëtimit në punë mbi shumën prej 379.4 euro e deri në shumën prej 463.40 euro dhe atë për shumën prej 84 euro, për 60 ditë.
- VIII. DETYROHET e paditura Komuna e Rahovecit – Drejtoria Komunale e Arsimit, që në emër të shpenzimeve të procedurës, paditësve, B.D, S.D, Sh.M dhe R.Th, t’i paguajë shumën prej 281,00 euro, në afat prej 7 ditësh nga dita e pranimit të këtij aktgjykimi, me pasojat ligjore të përmbarimit të detyrueshëm.

A r s y e t i m

Paditësit B.D, S.D, Sh.M dhe R.Th, përmes përfaqësuesit të tyre të autorizuar, më datën 22.01.2024, në këtë gjykatë ndaj të paditurës Komuna e Rahovecit – Drejtoria Komunale e Arsimit, ka parashtruar padinë për shkak të kompensimit të shpenzimeve të udhëtimit, vlera e kontestit 1.000.00 euro.

Të njëjtit sipas padisë, kanë theksuar se kanë punuar dhe vazhdojnë të punojnë si mësimdhënës në SH.M.L “12 MAJI” në fshatin Ratkoc, Komuna e Rahovecit, e që për periudhën e kërkuar paditësit nga data 22.01.2021 e deri me datën 21.11.2022 i ka takuar e drejta e kompensimit për shpenzimet e udhëtimit sipas Kontratës Kolektive të Arsimit të Kosovës të datës 21.01.2021, por që deri më tani nuk janë kompensuar. Periudha e kërkuar sipas precizimit të kërkesëpadisë, është

nga data 22.01.2021 e deri më 21.11.2022 dhe atë për paditësin B.D për 331 ditë të prezencës në punë, për paditësin S.D për 326 ditë të prezencës në punë, për paditësin Sh.M për 331 ditë të prezencës në punë si dhe për paditësin R.Th për 330 ditë të prezencës në punë.

Shpenzimet e procedurës i ka kërkuar.

E paditura Komuna e Rahovecit – Drejtoria Komunale e Arsimit, në përgjigjen e saj në padi të datës 10.05.2024, ka theksuar se e kontestojmë padinë në tërësi për shkak se më 21.11.2022 MASHT-i ka shkëputur Kontratën Kolektive të Arsimit të datës 21.01.2021 të lidhur me SBASHK. Ndërkaq kërkesat që dalin nga kontestet e marrëdhënies së punës fillimisht duhet të parashtrihen tek punëdhënësi. Gjykata mund të shqyrtoj një padi që ka elemente nga kontesti i marrëdhënies së punës vetëm nëse paditësit i kanë shtjerrur të gjitha mjetet në procedurë të rregullt pranë të paditurës si organ administrativ. Në këtë rast paditësi nuk ka parashtruar kërkesë për kompensim pranë të paditurës. Me rastin e lidhjes së kontratave kolektive në nenin 2 të dy kontratave janë deleguar kompetenca dhe detyrime për të paditurën pa u shoqëruar edhe me buxhet shtesë, këto detyrime nuk janë zbatuar nga niveli qendror i pushtetit. Andaj, e konteston kërkesëpadinë e paditësit pasi që i mungon legjitimiteti real-pasiv për faktin se komunat kanë kompetenca vetanake, të zgjeruara dhe të deleguara në pajtim me ligjin, autoriteti shtetëror që delegon kompetencat, përballon shpenzimet për ushqimin e delegimit. Po ashtu, ka theksuar se, paditësi Sh.M, me Aktgjykim të kësaj gjykate C.nr.190/2021, me numër të lëndës 2021:053525, është kompensuar në emër të ushqimit dhe udhëtimit, për periudhën kohore nga 05.12.2019 deri më 18.04.2021.

Andaj i ka propozuar gjykatës që kërkesëpadinë e paditësit ta refuzoj tërësisht si të pa bazuar ndaj të paditurës Komuna Rahovecit.

Shpenzimet e procedurës i ka kërkuar.

Për të vërtetuar gjendjen faktike në mënyrë të plotë dhe të drejtë, gjykata ka bërë administrimin e këtyre provave, për paditësin B.D: vërtetimin mbi ditët e prezencës në punë me Nr. 08/3780 i datës 30.11.2022, i lëshuar nga SH.M.L “ 12 MAJI ” në fshatin Ratkoc, komuna e Rahovecit, për paditësin kontratën e punës për mësimdhënës me Nr. të protokollit 06/2976, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit; vërtetimin e çmimit të biletës së udhëtimit i muajit nëntor 2023, i lëshuar nga “Tnë Prizren për paditësin B.D.

Për paditësin S.D: vërtetimin mbi ditët e prezencës në punë me Nr. 08/3795 i datës 30.11.2022, i lëshuar nga SH.M.L “ 12 MAJI ” në fshatin Ratkoc, komuna e Rahovecit, për paditësin kontratën e punës për mësimdhënës me Nr. të protokollit 06/2989, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit; vërtetimin e çmimit të biletës së udhëtimit i muajit nëntor 2023, i lëshuar nga “Tnë Prizren për paditësin S.D.

Për paditësin Sh.M: vërtetimin mbi ditët e prezencës në punë me Nr. 08/3794 i datës 30.11.2022, i lëshuar nga SH.M.L “ 12 MAJI ” në fshatin Ratkoc, komuna e Rahovecit, për paditësin kontratën e punës për mësimdhënës me Nr. të protokollit 06/2986, e datës 01.09.2015, e lidhur

ndërmjet Komunës së Rahovecit – Drejtoria Komunale e Arsimit dhe paditësit; vërtetimin e çmimit të biletës së udhëtimit i muajit nëntor 2023, i lëshuar nga “Tnë Prizren për paditësin Sh.M.

Për paditësin R.Th: vërtetimin mbi ditët e prezencës në punë me Nr. 08/3790 i datës 30.11.2022, i lëshuar nga SH.M.L “ 12 MAJI ” në fshatin Ratkoc, komuna e Rahovecit, për paditësin kontratën e punës për mësimdhënës me Nr. të protokollit 06/2991, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit; vërtetimin e çmimit të biletës së udhëtimit i muajit nëntor 2023, i lëshuar nga “Tnë Prizren për paditësin R.Th.

Gjykata pasi që bëri vlerësimin e secilës provë veç e veç dhe të gjitha së bashku, mbështetur në dispozitat nga neni 8 dhe 398 të LPK-së, arriti në përfundim se në këtë çështje juridiko-civile duhet vendosur si në dispozitiv të këtij aktgjykimi, pasi që:

Nuk ishte kontestues fakti se paditësit kanë të themeluar marrëdhënien e punës tek e paditura. Po ashtu nuk është kontestues as fakti se paditësit për periudhën e kërkuar kohore kanë prezantuar në punë. Në këtë çështje juridike kontestues mbetet fakti se a i takon kompensimi për shpenzimet e udhëtimit si dhe a ka legjitimitet real pasiv e paditura.

Me administrimin e vërtetimin e çmimit të biletës së udhëtimit i muajit nëntor 2023, i lëshuar nga “T në Prizren për paditësin B.D, gjykata vërtetoi faktin se çmimi i biletës së udhëtimit në relacionin Polluzhë – Ratkoc si dhe anasjelltas është 2 euro në dy drejtime.

Me administrimin e vërtetimin mbi ditët e prezencës në punë me Nr. 08/3780 i datës 30.11.2022, i lëshuar nga SH.M.L “12 MAJI” në fshatin Ratkoc, komuna e Rahovecit, gjykata vërtetoi faktin se paditësi B.D, në periudhën kohore prej datës 22.01.2021 e deri më 21.11.2022, ka prezantuar në punë në 331 ditët e punës.

Me administrimin e kontratën e punës për mësimdhënës me Nr. të protokollit 06/2976, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit B.D, gjykata vërtetoi faktin se paditësi ka kontratë pune me të paditurën dhe i njëjti është i sistemuar në vendin dhe me detyrat e punës në SH.M.L “12 MAJI” në fshatin Ratkoc, komuna e Rahovecit.

Me administrimin e vërtetimin e çmimit të biletës së udhëtimit i muajit nëntor 2023, i lëshuar nga “T në Prizren për paditësin S.D, gjykata vërtetoi faktin se çmimi i biletës së udhëtimit në relacionin Polluzhë – Ratkoc si dhe anasjelltas është 2 euro në dy drejtime.

Me administrimin e vërtetimin mbi ditët e prezencës në punë me Nr. 08/3795 i datës 30.11.2022, i lëshuar nga SH.M.L “12 MAJI” në fshatin Ratkoc, komuna e Rahovecit, gjykata vërtetoi faktin se paditësi S.D, në periudhën kohore prej datës 22.01.2021 e deri më 21.11.2022, ka prezantuar në punë në 326 ditët e punës.

Me administrimin e kontratën e punës për mësimdhënës me Nr. të protokollit 06/2989, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit S.D, gjykata vërtetoi faktin se paditësi ka kontratë pune me të paditurën dhe i njëjti

është i sistemuar në vendin dhe me detyrat e punës në SH.M.L “12 MAJI” në fshatin Ratkoc, komuna e Rahovecit.

Me administrimin e vërtetimit e çmimit të biletës së udhëtimit i muajit nëntor 2023, i lëshuar nga “T në Prizren për paditësin Sh.M, gjykata vërtetoi faktin se çmimi i biletës së udhëtimit në relacionin Polluzhë – Ratkoc si dhe anasjelltas është 2 euro në dy drejtime.

Me administrimin e vërtetimit mbi ditët e prezencës në punë me Nr. 08/3794 i datës 30.11.2022, i lëshuar nga SH.M.L “12 MAJI” në fshatin Ratkoc, komuna e Rahovecit, gjykata vërtetoi faktin se paditësi Sh.M, në periudhën kohore prej datës 22.01.2021 e deri më 21.11.2022, ka prezantuar në punë në 331 ditët e punës.

Me administrimin e kontratën e punës për mësimdhënës me Nr. të protokollit 06/2986, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit Sh.M, gjykata vërtetoi faktin se paditësi ka kontratë pune me të paditurën dhe i njëjti është i sistemuar në vendin dhe me detyrat e punës në SH.M.L “12 MAJI” në fshatin Ratkoc, komuna e Rahovecit.

Me administrimin e vërtetimit e çmimit të biletës së udhëtimit i muajit nëntor 2023, i lëshuar nga “T në Prizren për paditësin R.Th, gjykata vërtetoi faktin se çmimi i biletës së udhëtimit në relacionin Xërxë – Ratkoc si dhe anasjelltas është 4 euro në dy drejtime.

Me administrimin e vërtetimit mbi ditët e prezencës në punë me Nr. 08/3790 i datës 30.11.2022, i lëshuar nga SH.M.L “12 MAJI” në fshatin Ratkoc, komuna e Rahovecit, gjykata vërtetoi faktin se paditësi R.Th, në periudhën kohore prej datës 22.01.2021 e deri më 21.11.2022, ka prezantuar në punë në 330 ditët e punës.

Me administrimin e kontratën e punës për mësimdhënës me Nr. të protokollit 06/2991, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditësit R.Th, gjykata vërtetoi faktin se paditësi ka kontratë pune me të paditurën dhe i njëjti është i sistemuar në vendin dhe me detyrat e punës në SH.M.L “12 MAJI” në fshatin Ratkoc, komuna e Rahovecit.

Provave të lartcekura gjykata iu fali besimin e plotë ngase është bërë e besueshme fuqia provuese e tyre, duke u bazuar edhe në nenin 329 paragrafi 1 të LPK-së, i cili përcakton se “*Shkresa të cilën e ka hartuar në formën e caktuar organi shtetëror brenda kufijve të kompetencës së vet, si dhe shkresa të cilën në formë të tillë e ka hartuar ndërmarrja apo organizata tjetër në ushtrimin e autorizimeve publike që i janë besuar me ligj (dokumenti publik), provon saktësinë e asaj që konfirmohet apo caktohet në të*”.

Gjykata ka vendosur ta aprovojë kërkesëpadinë e paditësve për faktin se: paditësi B.D në periudhën kohore nga data 22.01.2021 e deri më 21.11.2022, në vendin tij të punës ka prezantuar 331 ditë të punës, paditësi S.D në periudhën kohore nga data 22.01.2021 e deri më 21.11.2022, në vendin tij të punës ka prezantuar 326 ditë të punës, paditësi R.Th në periudhën kohore nga data 22.01.2021 e deri më 21.11.2022, në vendin tij të punës ka prezantuar 330 ditë të punës si dhe paditësi Sh.M në periudhën kohore nga data 18.04.2021 e deri më 21.11.2022, në vendin tij

të punës ka prezantuar 271 ditë të punës. Kjo është vërtetuar sipas vërtetimeve të lëshuar nga vetë shkolla ku paditësi ka qenë duke punuar, ndërsa vërtetësinë e këtij dokumenti e ka kontestuar as e paditura. Baza juridike e kërkesëpadisë buron në nenin 90 par.5 të Ligjit të Punës, ku parashihet se *“Marrëveshja Kolektive vlen për ata punëdhënës dhe punëmarrës të cilët marrin përsipër detyrimet e përcaktuara me Marrëveshjen e tillë Kolektive”*.

Ndërkaq sipas nenit 35 par.5 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021 parashihet që *“Punonjësit arsimor që udhëtojnë në vendbanimet e komunës përkatëse ku punojnë i paguhen shpenzimet e rrugës 70% të biletave të trafikut urban”*. Prandaj, për paditësin B.D, në rast se shumëzohen 331 ditët e prezencës në punë me 70% të shumës prej 2 euro për çdo biletë (70% i 2 euro = 1,40 euro) do të kemi shumën e përgjithshme prej 463.4 euro, për paditësin S.D, në rast se shumëzohen 326 ditët e prezencës në punë me 70% të shumës prej 2 euro për çdo biletë (70% i 2 euro = 1,40 euro) do të kemi shumën e përgjithshme prej 456.40 euro, për paditësin R.Th, në rast se shumëzohen 330 ditët e prezencës në punë me 70% të shumës prej 4 euro për çdo biletë (70% i 4 euro = 2.80 euro) do të kemi shumën e përgjithshme prej 924 euro si dhe për paditësin Sh.M, në rast se shumëzohen 271 ditët e prezencës në punë me 70% të shumës prej 2 euro për çdo biletë (70% i 2 euro = 1,40 euro) do të kemi shumën e përgjithshme prej 379.4 euro.

Gjykata ka vendosur ta aprovojë pjesërisht kërkesëpadinë të paditësit Sh.M, për faktin se paditësi në periudhën kohore nga data 22.01.2021 e deri më datën 21.11.2022 në vendin e tij të punës ka prezantuar në 331 ditët e punës, mirëpo gjykata e refuzoi për 60 ditë të punës x 1.40 = 84 euro, për faktin se paditësi Sh.M është kompensuar me aktgjykim të plotëfuqishëm të kësaj gjykate C.nr.190/2021 me numër të lëndës 2021:053525, të datës 17.05.2023, është kompensuar në emër të ushqimit dhe udhëtimit në punë, për periudhën 05.12.2019 deri 18.04.2021, prandaj gjykata vendosi si në piken VI. dhe VII. të dispozitivit të këtij aktgjykimi.

Sa i përket legjitimitetit real pasiv të palës së paditur, gjykata vlerëson se pala e paditur ka legjitimitet që të jetë e paditur në këtë çështje kontestimore për faktin se sipas nenit 2 par.1 pika 1.2 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, dispozitat e kësaj kontrate kolektive të arsimit janë të obligueshme për të gjithë punëdhënësit e sektorit të arsimit në Kosovë, përfshirë edhe komunat dhe drejtoritë komunale të arsimit.

Gjykata me rastin e vendosjes, jashtë seancës gjyqësore, është bazuar në dispozitën e nenit 398 të LPK-së, e cila dispozitë përcakton se *“Kur gjykata, pasi t’i arrijë përgjigja në padi, konstaton se ndërmjet palëve nuk është kontestuese gjendja faktike, dhe se nuk ekzistojnë pengesa të tjera për dhënien e vendimit meritor, atëherë ajo, pa caktuar fare seancë gjyqësore, mund ta jep aktgjykimin me të cilën e pranon si të themeltë kërkesëpadinë”*.

Nga të lartcekurat, gjykata me rastin e vendosjes që ta refuzojë pjesën tjetër të kërkesëpadisë së paditëses, jashtë seancës gjyqësore, është bazuar në dispozitën e nenit 399 paragrafi 1 të Ligjit të Procedurës Kontestimore (në tekstin e mëtutjeshëm LPK), ku është përcaktuar se *“Kur gjykata, pasi t’i arrijë përgjigja në padi, konstaton se nga faktet e treguara në padi nuk del themelësia e kërkesëpadisë, atëherë ajo do të jep vendimin meritor me të cilin refuzohet si e pathemeltë kërkesëpadia”*, ndërsa në paragrafin 2 është paraparë se *“Kërkesëpadia është e pathemeltë, në vështrim të paragrafit 1 të këtij neni, po që se qartazi është në kundërthënie me faktet e treguara në padi, apo, po që se faktet mbi të cilat mbështetet kërkesëpadia qartazi janë*

në kundërthënie me provat të cilat i ka propozuar paditësi, apo me faktet që janë botërisht të ditura”.

Gjykata ka shqyrtuar edhe pretendimet tjera të palës së paditur, por nuk ishin relevante në zgjidhjen e kësaj çështje kontestimore.

Vendimin lidhur me kamatën në lartësi prej 8%, gjykata e mori në kuptim të nenit 382 të LMD-së, duke llogaritur nga dita e paraqitjes së padisë.

Nga të lartcekurat, duke u mbështetur në dispozitat e nenit 90 par.5 të Ligjit të Punës, nenit 2 par.1 pika 1.2 dhe neni 35 par.5 dhe par.7 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, nenit 398 të LPK, gjykata vendosi si në dispozitiv të këtij aktgjykimi.

Vendimin mbi shpenzimet procedurale gjykata e mori në kuptim të nenit 452.1 të LPK-së, i cili përcakton se: *“Pala e cila e humbë procesin gjyqësor tërësisht ka për detyrë që palës kundërshtare gjyqësore, dhe ndërhyrësit që i është bashkuar, t’ia shpërblej të gjitha shpenzimet gjyqësore”*, në kuptim të kompensimit të shpenzimeve të palës gjyqësore, duke vendosur që paditësja t’ia kompensojë të paditurit shumën si në pikën VIII. të dispozitivit të këtij aktgjykimi, në shumën e përgjithshme prej 281,00 euro, dhe atë për përpilimin e padisë 260.00 euro si dhe për taksën gjyqësore 21.00 euro.

GJYKATA THEMELORE GJAKOVË – DEGA NË RAHOVEC
Departamenti i Përgjithshëm – Divizionin Civil
C.nr.77/2024, më datën 21.06.2024

B.Profesionale
Shpresa Haxhijaha Rahmani

Gjyqtari
Avni Berisha

KESHILLË JURIDIKE: Kundër këtij aktgjykimi, pala e pakënaqur ka të drejtë ankese në afatin prej 7 ditëve pas ditës së pranimit të të njëjtit, Gjykatës së Apelit në Prishtinë, e nëpërmjet të kësaj gjykate.